

人胎結解根全其身得生人路

梵監須延天帝

特降長靈明仙之炁九重纏其魂使亡過某

人魂門鍊仙以通精得生人身

寂然梵術天帝

特降殤尸冥演由之炁九重纏其魂使亡過某

其人鬼戶降仙以安寧得生人身

波羅尼窰不驕樂天帝

特降五仙中靈之炁九重纏其臟使亡過某

人五臟清涼以存神得生人身

洞玄化應聲天帝

特降高真沖融之氣九重纏其腑使亡過某

人六腑開泰胃管生津得生人身

靈化梵輔天帝

特降高仙洞笈之炁九重纏其竅使亡過某

人孔竅開聰星宿朗明以通神得生人身

高虛清明天帝

特降真靈化凝之炁九重纏其形使亡過某

人三部八景整具形神以全真得生人身

无想无結无受天帝

特降自然玄照之炁九重纏其身使亡過某
人三關五臟開節根源本始一時生神炁滿
能聲聲尚神具毛髮生身

太上三洞表文



萃善錄卷上

聖節祝君之詞

聖人生焉瑞遠紫樞之電上帝臨汝喜開黃
道之雲齋肅陳詞明晨有請伏念新傳祖印
達觀宸廷香頌龍虎之壇親承上旨壽祝麒
麟之殿未遂南轅命玄侶以脩齋對感頰而
歸美恭願鍊章夜達來仙仗於清都丹宸春
融永丕基之洪福

謝雨詞

布地為壇土皆作玉望雲請命天乃雨珠生
意頌回元功不宰伏念自名以道待飽於農
凡仰愧俯作之餘有春作秋祈之望屬以元
早異於曩時既自郊而徂宮禱之久矣庶匪
朝而依夕苗則勃然蓋移粟之民已疲倘存
飢則歲何仰不遠咫尺遂俾霽露返神水以
安靈薦潢汚而報本伏願賜之終惠保此有
年自三日已往為霖更溥餘波之潤無一夫
不被其澤同為樂國之歸

天師在京就山還醮

君命不埃駕阻瞻咫尺之清光皇天無私親

妙運兩間之元化敬絨香於帝里歸奏牘於
 宗壇伏念慶藉世質叨傳祖印言尤行極願
 教法以多違家難命奇致灾非之荐見幸際
 龍飛之治適為驛傳之朝孰謂微病竟淹半
 載思切哀旒之寵對聿嚴靈寶之香脩謝過
 消災祈恩請命伏願帝心簡在人欲必從鑒
 其悔艾之私錫以生成之造真風赫奕日深
 丹宸之知新渥駢蕃露重紫泥之賜凡存志
 命悉宥恩麻

酬禳火醮詞 庚子年與甘春夢見宗
 格臨前有一物又過門

軒苑師乃云其房當有
 大文久新送許無從安

夢而占夢同知幻境之無憑疑以傳疑致忽
 前車而不戒昔焉徵福今也酬恩伏念求木
 苟完寢新是懼彼蝶化之紛紜莫詰聞者隱
 憂况鹿墮之失得或然慎之為貴乃以恍惚
 杳冥之故而為和平安靜之求帝示矜容人
 思報稱伏願初盟克踐終惠允諧曷日而忘
 永戴風雨悃悃之造惟天所命密符祖宗香
 火之心德布春陽恩沾莫景

天師慶成藏殿醮詞

道機無息乃春殊庭法藏幸新寔依玄造爰
 慶成於一醮庸願告於群真伏念切已興思
 拊躬省過或以前因而今受或謂寡是以多
 非或下情宿怨而罔知或陰陽可為而自失
 或命身之位與孤曜以相逢或嗣息之官背
 吉星而不照乖違至此懺釋何由謂寶藏經
 管信斡旋之有地况真旂森列可運轉以回
 天幸人巧之成功希聖明之從欲肅陳凡悃
 恪露中誠伏願霽仰威顏春生容德造化無
 停輪之理變通於轉轂之間八卦凝神見乾
 坤之六子三陽發秀回否泰於一時錫命在
 天俟恩即日

吳惟德薦母

客途天遠空馳游子之心鄉岫雲停不見慈
 親之面俯遵玄教仰叩清都伏念淺矣學仙關
 焉事母將謂轉蓬苟得尚酬故水之歡豈期
 泛梗言還遠洒萊衣之血揆一子出家而奚
 益幸十方救苦之不誣慈日適臨沖科特啓
 伏願珠浮獅坐玉揉龍章蓬島向車喚醒虛
 无之夢桃池侍宴容登快樂之鄉魂氣有歸

後昆允賴

建九幽正醮詞

物莫預知痛先臣之棄背情惡可已祈上帝
 以起升言不成文注盡繼血伏念父吳霜未
 老燕璞何仇孰謂無牙而蘊至深之毒迺傷
 其指竟罹罔極之憂豈其遺胤之不天抑亦
 患身之有數丹心耿耿不能鳴沒世之悲玄
 範恢恢庶以慰重泉之望澗芹可薦鑿藻無
 私伏願開解脫門指虛無路宿冤氷釋搯喉
 敢起於妄心逝魄雲昇鍊質全資於善果率
 行正道惠迪後人

仙姑薦父母

父何怙母何恃嗟永隔於歸寧乾資始坤資
 生冀重開於化育三熏誦命九拜投誠伏念
 季女有歸二親莫贖謫焉供祀養善教以利
 人揚若奉先愧近功而撫已蒿目滅感時之
 淚草心萌追遠之思明水具陳恩波允賴伏
 願大鈞無息至鑿有容地道陽光超格萱之
 朽質人元合妙副葵養之私情

周年建醮薦母

母令鞠我兼我之痛無窮暮而小祥白駒之
過何速惟憶哀素上徹穹蒼伏念非自罹陝
此之悲忍見星周之次念升沉之莫測幸拔
度之有科謹潔塵居肅迎颺馭伏願雲開黃
道風送綠章詔三界以逍遙擁萬真之來下
慈光速被膚昭觀盟之誠明日將朝不盡童
蒙之瀆

孫秋碧就普度酬所許保安祝薦先
師祖虛自間

追想前猷願有盟而必答寓誠普度思如在
以宜超敢食前言輒干上聽伏念有身為患
厥疾弗瘳急告于天猶幸苟延於一照回生
無地忽驚已過於七年逝者速而許者存心
所知即神所記謗焉報貺期以出幽伏願大
道有情至真無外指蓬萊路或從織女而歸
入黍米中同會天人之樂周圓功果啓迪仍
昆

陳制帥黃蘇宿啓詞

綠林載盜熟小麥以休師息頓巢仙潔著茅
而帝帝科嚴修於玉墮事宿闡於瑤壇伏念

謬以撫綏任茲討捕謂人為天地之貴何忍
殘生若賊遺君父之憂是名負國爰親從於
士卒偶活致於渠魁雖幸凱運能無濫殺報
風聲鶴唳之助見秀除苗長之仁伏願旋斡
雍熙銷沈乖盤兵凶器用非得已壹空白骨
之究利公家知無不為洞鑿丹心之素

三朝詞

涼生華殿夏五月以風薰梵遠芝壇自三朝
而晝永嚮天威之咫尺哲君德之輝先伏念
恭叨竊寵靈周旋軍旅僅解嚴於汀建復舊
銳於洪度蟻穴就焚幸完渠之檻送龍顏動
喜因捷報於驛聞茲闡事於閭峯敬歸功於
魏闕伏願皇天佑宋舊境遂周萬化更新見
君臣之慶會五兵寢息增朝野之歡娛

晚朝詞

細柳除營甫定積年之寇白楊悲隴莫拂長
夜之魂即福地以脩齋邇昊天而澁懇言念
盜興於顛人死如麻就縛抵刑自速葉街之
戮摧鋒陷陣多衝草野之冤在臣意者以拯
民惟帝相之而破賊殺非得已生亦無窮伏

願大赦幽牢普超苦矣五方異俗化金革於
農桑三代同風混車書於禮樂

官門驅蝗

多稼連時意豐登而可待群蝗入境迺侵蝕
以為災民命所關帝心斯在言念大江之右
風播樂土之中邊國粗寧幸免軍需之急浙
鄉不熟已傷官糴之繁正望稔於此秋庶全
生於爾眾屬蝗蝻之大孽遍滿鄉閭顧蟻蝻
之小臣主持官宇力捕莫施於坎地應禳惟
謹於祈天伏願哀憫衆生赦原萬罪羽蟲掃
指掃除勅田祖之神實稿垂垂刈穫錫農夫
之慶矢詞迫切拜賜須臾

顯應觀設醮祈晴詞

望霓有禱既賜滂霖積潦不收遂憂昏墊曉
浙人之宅土即澤國之園田凡雨過多雖苗
無秀矧江湖之蓄岸加湖水之海虛因沮洳以
復陰將鬱蒸而成疾天子側躬而軫慮計巨
思載以違安肅關懸筵恪陳奏牘伏願乾坤
軒豁離曜輝先農務三時訖暑耘而秋熟王
畿千里保物阜以民康

明堂預告設醮祈晴詞

君國子民紹一元之大統父天母地嚴三世之親祠爰合祭以戒侯用前期而申禱伏願璣宇秋露玉燭時調上帝降祥禮迄成於重屋冲人嗣服祚益茂於丕基

顯應觀祈雨詞

民亦勞止春失種以無秋天何言哉日常暘而不雨深惟闕政抵控危衷伏念護漕罔功禾歸未遠星流白晝屢傳旱野之占氣入朱明愈急水田之務既群伺而遙禱惟上帝之求哀伏願勅下雲雷澤盈溝澮貽筮播穀錫歲事之豐登合璧連珠示乾文之嘉瑞如車吏狀請罰臣躬

顯應觀再設醮祈雨詞

農時既失早太甚以如焚天聽孔甲信未孚而弗福故忘煩喋仰叩穹明伏念兩儀澹蕪孤忠體國經費倍支而罕撥叨榮宜去而復留浙西東粒米之鄉所祈豐稔夏仲孟梅霖之景迺向焦枯暴至徒市其効於人為呼雷召龍率由於帝命既瀕湖而醮歎祈渾澤以

昭蘇伏願敷飲驕陽息敷甘雨水耕火耨巫施田峻之功粟腐錢流饑濟邦儲之用尚諧中熟庶弭多虞

代茅山祈雨詞

年穀垂成政需澤潤秋陽為洽反病亢乾即仙聖之所居為黎元之有禱伏念濫膺顯闕燕領陪京維時多虞所望一稔序既當於萃飲田尚苦於燥剛始自近郊遠連並塞地綿千里皆懷辛歲之憂帝監四方忍絕斯人之命使早勢逾臻於屬部恐咎端專在於微臣實震懼之靡寧冀精誠而上達伏願普敷德澤徇惠群生哀此矜人久服勞於穡事沛然下雨俾無廢於歲功

開元宮樓火詞

流星墮晝仰天戒之高明比屋延燒傷民生之蕩析肅持惻但上告穹蒼伏念無補使家僅尋時瘼泉務流而迺壅已病閭閻火弗戢而屢災仍空蓋藏維商丘之有祀祚宋國之無疆爰脩瓊瑱之儀祗歎琳琅之駕伏願誕施仁愛潛弭災虞地大京師息融風而莫枕

春深田野賜膏雨以催耕

樓兵詞

峒穴無知輒起綠林之盜封疆所界深懷赤子之憂仰邇顯宮肅陳危懼伏念典州踰歲闔境逢年鄰寇鳴張毒烈流於塗炭兇徒鼠伏囊將動於蕭牆荷天戮其逆徒尚日馳於警報王宮陷逐寨卒創殘居多控扼之兵未快蕩平之舉敢為民之請命輒願帝以投誠伏願赦過一方全生萬眾厄會密移於天蓮先聲克壯於軍容殲厥渠魁稍謝無辜之鬼安其田里咸歸不殺之仁

祈皇詞

南面視朝久嗣大君之位東儲繼體宜膺男予之祥屢醮禱於蒼宇佇感通於禁掖即太乙貴神之館合下元本命之辰申飭羽流恪陳朱奏伏願帝心顧佑國脉昌隆帶鞶授弓駢集椒途之喜承祧主器允符瓜瓞之綿

章尚書九幽醮詞

劬勞念母德至大以難酬哀痛徹天道無方而善應輒脩清醮恭澁丹忱伏念亡母懿行

在躬先臣同齒子七人而保抱忠孝良勤孫
三世以團樂慈憐備至湯沐既開於隣國旨
甘粗適於偏闇上壽以頌諸孤之學發願微軀
而若夫更再想以增悲敬違王遣之科荐刻
綠章之奏伏願恩言曰可過誤其空風起白
楊不待幽阡之閉火傳金錄坐超樂土之生
下及滄泉旁沾餘潤

方司法五七詞

女子有行所期借老吾夫又死幾不勝哀舉
塵案以自怜寫錄章而上奏伏念亡夫甫沾
寸祿查夫層親枕塊纏悲方經營於遠日臨
塋成疾竟殞滅於芳年痛茲家室之情慘甚
戶門之禍孤孀無倚痛泣何聞伏願降鑒哀
惻赦除愆妄度此魂於生地仍識天倫撫弱
子者寡妻常依道蔭

陳帥玉隆宮黃籙宿啓詞

視事惟新未靖綠林之寇感時多故輒脩黃
籙之齋躬造福庭宿開靈璋臣丹心君上白
髮兵間闕部解嚴幸君民之肅睦江墟徒銀
傷饑饉之存臻豈生靈積過之滿盈抑官吏

貪殘之由致祗無神仙之宅觀回天地之仁
伏願玉燭調和珠躡循軌上固一人之壽下
全萬物之生峒壑就平師不煩於久外田禾
告稔臣庶獲以偷安

天曆為宗師還保安醮詞

北望薦書想玄門之宗主東瞻馬首祈洪造
之真靈應不逾時報當知本伏念進脩在已
行止非人司教日邊每盡扶持之力縻身關
外適當間隔之時常徵福以顯上天乃蒙恩
而有今日端不由於幸得何敢食於盟言敢
肅元壇恪酬清醮伏願國經求舊帝渥從新
教雨載濡納道山於九潤壽星一點映台象
於三階

天師留京建年經詞

日之餘歲之餘幸依光而及此邦必達家必
達期徵福以皆然且謝且祈如臨如履伏念
某朝君身遠祀帝心長時存易於年華德難
忘舊天靈旺於道脉思企迎新恪陳藻薦之
誠默寓葵傾之悃銘藏匪報鑒照惟明伏願
洪造垂仁皇都協慶生成一致門迎佳氣之

春出處兩榮驛寄喜音之早誓脩陰德仰答
元功

解壇詞

人間塵世嚴祭祀之瓊壇帝所清高下照臨
之玉節朝儀已備齊事告周禮貴節以成文
義有同於既灌伏願皇靈穆穆鑒觀趨退之
恭師造昭昭察有慎終之典

謝恩詞

一陽來復父初索於震男三願幸乎帝下觀
而臨汝此恩此德何報何言伏念某素欵既
周皇靈不昧雪先呈瑞餘半月以俱晴日暖
如春後三朝而乃雨皆神明之所感於氣象
以可知况凡我同盟相終始於陟降暨百爾
執事咸進退以安闕非由臣意簡在帝心何
以天時合於人事載魚載沐且謝且祈伏願
鑒藻有聞淵瀆惟享樂微發見驗所欲之必
從兆朕萌芽信不言而善應

代人保疾詞

疾病同心義重扶持之日愛慈異骨誠祈覆
燾之天惟帝納言以人從欲伏念某力闕道

宇身積患端風為末疾之根外因猶淺疾有
逆流之水遠慮實深未收功於象木之奇昌
滿望於桑榆之晚掃觀庭而歲黜歎鸞駕以
希恩伏願仙墨香留神丹霧散天醫臨地醫
會有藥長生福星明壽星高如椿難老瑕疵
一洗膏馥同霑

庚午年春舒貴和捧御香入山建金

蘇大齋宿啓詞

皇天后土既全付於丕圖名山大川庸幸嚴
於外祀遠馳一使祗格三靈當鼓鐘玉帛之
初陳乃圭辟琮璜之具備昭其文也寓乾坤
宗子之心神而明之為社稷生民之地

早朝詞

申明春令爰據朝日之誠寅畏風興敢替事
天之敬仰觀非遠默感而通念有民何賴以
治安亦惟帝實為之主宰天高星遠行五緯以
無差地利人和鎮八維而不動

午朝詞

離文明兩如日再中乾道時成惟天為大肅
使華而代祀仰帝闕以趨朝願感至誠聿嚴

善應一民莫非其有天與禎祥萬物各遂其
生日依化育

晚朝詞

纂圖御衆不忘夕惕之思分命祈天益謹暮
朝之敬緘一誠而自遠貫三極以潛通密勿
之間對揚斯在國經威若尚聞堯壤之歌皇
極無偏丕錫箕疇之福

正熙詞

社稷艱難叨承基緒山川裡祀曷答穿祇念
有土之多虞揆為君之不易赤子備嘗於危
殆凶年不免於流亡無以回天豈其能國敢
寓誠於一醮庶悔禍於三靈啓迪時幾願示
小康之効昭蘇邦本即開大有之祥生聚教
寧治安馴致

壬申聖節宿啓詞

誕彌厥月揆初默軫於中懷欽若昊天報本
聿嚴於外祀乃馳使幣祗醮仙壇脩五禮以
如方析三靈而有鑒盛德在木載揚發育之
心明日將朝荐啓敷宣之目

早朝詞

夙興惟謹致祀帝之初誠盱食靡寧以保民
為先務托玄科而請命見宗子之用心懷在
有仁念茲惟帝五風十雨得中道之豐登四
海九州足小康之資聚

午朝詞

日中則昃戒實在於滿盈天聽孔甲念孰為
之保定國有與立時方可為奉金錄以祈恩
啓丹為而事命惟天孚佑益開享祚之祥率
祖攸行訓至寧邦之盛

晚朝詞

日之餘曰夜敢終息於朝儀國之本在身忝
丕承於明命時臨初度齊啓沖科寧無自求
多福之心所願密注長生之字大恩曷報躬
行遵道之言終惠有祈誓體代天之責

正熙詞

日當再育忝分先嶽之靈天無常親密運基
圖之重撫時以感出命而祈翦焉夜寐以夙
興比者冬行於春令孰為民極固不止水旱
疾疫之憂自揆國經何以道脩齊治平之責
林然庶證叢於厥躬乃脩外祀之嚴願格三

靈之佑有人有土志維綏靖之求而國而家
身見隆平之效

聖節宿啓詞

三日天氣新探於初度八荒開壽域保運長
存香霧空濛真風演迤適金人捧水心之鈞
建瑤壇懸黍米之珠宿啓神仰闡宸慮伏
願三境疏恩萬真降鑒九五福曰壽九五福
曰富廓寰宇以為家八千歲為春八千歲為
秋長上古而不老

朝詞

聰明作后虹流上巳之辰馨香感神熬打普
天之下來皇華於福地肅金錄以祈天稽首
紅雲投誠青祝恭願星輝海潤開壽當於三
官山高日升育人民於九土

又

天道惟欽謹緘香於福地帝心簡在祈春祐
於皇家俯濟綠章上陳玄鑒伏願咫尺若臨
厚高罔間不言善應陰陽順而風雨時至治
無為股肱良而庶民育

天曆祝聖

代天作子方當繼統之初繞電有期預至祝
釐之請伏願清時偃武默首歸仁甲兵洗衣
裳垂太平有象日月光山河壯萬壽春天

閭皂山國醮詞

天錫九疇撫下期躋於壽域國專七祀升中
爰即於名山春膺金闕以定四郵及在玉衡
以齊七政皆陰陽下民之力致虔昭上帝之
心伏願八表又寧三官益壽天地平而元氣
正俾萬物以無疵陰陽和而庶類成資一人
之有慶

早朝詞

浴咸池出暘谷現赤日之九芒排闥闥入帝
居觀紅雲之一朶眷宵衣而待旦吹暖律以
回暄速馳奏事之香待錫治安之策伏願福
持寶位慶浹璇宮慰安向於龍樓贊休徵於
鶴禁陽分陰而二儀立衍億世之皇圖正得
秋而萬寶成洽八方之黎獻

午朝詞

日至昆吾而正中克成厥象風駕扶搖而直上
敷奏以言刻金鐸之息聲暨玉衡之順軌用

理朕志簡在帝心伏願俯贊皇猷誕敷文德
六府三事允治至弘有永之基四海九州攸
同共樂無為之治

表榜

正薦太陰表

生明合德運天一之至精懸象降靈行地中
之溥潤恢恢真造派派神機未臨照隨人盈
虛有道廣寒清靜嚴七寶之高居明水蕊芬
叶方諸之大用欲成玉鍊九生之妙必資金
液一滴之餘共望澤潤下滋類從俯應天與
形道與貌必符造化之全月為魄日為魂不
越陰陽之外陶鍊允賴俛仰知歸

鍊孤魂第九夜天學表副

玉璽盟真超幽魂於九地寶華應號證道果
於諸天仰瀆宸聽俯據齋悃共望玉京毓秀
瓊闕騰芳萬寶裝嚴仰彌羅之梵悉九天照
燭開幽暗之昏衢魂度朱陵慶流後裔

黃籙榜語迎真

六瑤浮春一陽來復九闔戒曉萬聖齊臨方
黃壇望幸之時正紫氣開先之際將恭清道

仰止浮空雲漢昭回神氣運風靈之表天地
明察衮衣流日月之光方域百靈起居先路
瑤壇絳節久凝紫籍之班玉几紅雲一鑿松
花之會

監門榜

法門廣大曾何問於威疏帝所清高若不違
於咫尺必恭敬止盍歸來乎莫問子為誰孰
云身是客眾妙非妙於此示寂然不動之機
至言無言亦豈有甚高難行之事好共看天
人黍米信本無風雨蓬萊潔已從之致身易
爾塵世茫茫汲汲何計是到家時玄關直直
堂堂這裏有入門處神明懋戒凡聖同歸

天醫榜

世之最苦者曰窮民偏多疾疫天果何為而
有醫道點與主張至於遊魂為變之時亦有
仰首嗚號之意思神農想軒后九霄難問於
高居如秦緩如越人千載猶存於生氣玉皇
之上藥三品金碧之大丹九還補造化而裨
陰陽有神氣而無形跡洪惟天法道每垂情
於瘵病疾痛之間莫謂鬼非人重施力於神

聖工巧之外贊彼元化相我齋功

沐浴榜

詩人吟玉女有盆只要洗頭漁父答大夫此
水但堪濯足皆非盡善不可効尤蓋陰陽顛
倒之坎離其功甚大况一六生成之天地得
氣最先飲之者冷暖自知掬之者清涼無盡
是名沐浴具體設陳秋入肺肝五內洒金莖
之露冷侵毛骨一壺浸寒玉之水對之而塵
垢自消因得以形神俱妙非如春暮果從沂
水以詠歸豈比華清咲出溫泉而拜賜脫然
無我洗者是誰

監生榜

太極肇判乾坤定而六子生元氣散分陰陽
交而萬形具惟人最貴所主有神以其為天
地之心果誰執造化之柄並蘭可愛皆由萬
靈恭奉而來坐草云亡或出一念扶持之外
未脫秋瓜之蒂莫回寒谷之芳秩秩有司化
化無跡子知向來夢應作如是觀靈芝本亦
無根到此好參眾妙桃花自貪結子教人錯
恨東風淨洒洒然長怪怪去

監齋榜

黍稷非馨吾聞其語繁盛不潔士聽無諱天
地之道昭昭然鬼神之情洞洞爾非誠莫享
在德宜酬蓋芬苾具陳雖松華而不棄若簪
香可薦緇蘊藻以無嫌然勞薪之火其可以
炊而埃墨之飯安敢以祭况失飪不食聖人
之教訓宜然苟聞腥于天上帝之崇高則否
致其潔也將何道神而明之惟汝賢尚昭乃
勲毋曠厥職道股非味何求易牙之知食指
欲嘗固伴子公之染雲厨必戒天爵宜陛

焚邪

玄英郭以歎幽魂一暮兩見到蓬山而聞妙
道千載重逢流年櫛後紅顏春樹人生能幾
何朔風驚沙枯梢號寒子行亦良苦四海兄
弟一會神仙叢者玄師曾指幽關之正路今
茲教主又宏苦海之慈航以何因緣得此方
便生我所欲也義我所欲也幸逢兼取之魚
熊貴者驕人乎賤者驕人乎勿勿相持之鱗
蚌雪匙可以適口雲霞為之洗心道味悠長
善端呈露天寬地大會何夜雨煩冤陰極陽

回別有春風消息

孤魂榜

莊子嘗言受成形而有盡既瞻所見論無鬼而鬼不然則知二氣之良能難以一途而偏廢伯有彭生之事古人豈欺我哉魏其灌夫之寃信史有如彼者生生死死古今今金谷園林此地豈無歌舞平泉花木樂人看到子孫遊川只解東流白日又還西落日鯁寡曰孤獨况下民多無告之窮或札瘥或天昏而上天之剝喪者半艱難萬狀貧病交攻其間浩歎何勝到底同歸于盡以無祭主故曰孤魂幸今逢黃籙齊官又特啓玄科好事飽汝以食而無餓暖汝以衣而不寒三十六部尊經善緣得未嘗有一萬二千金簡魂氣當無不之仙道佛道儘堪行天門人門皆可去黃壇回首處快乘蓬島清風丹府記名時盡入春珠碧落皆大權喜便好超升

將吏榜

雲霧太虛道因文顯風霆神氣將以心存况兩間光嶽之散分有一揆天人之會合魯公

竟為雷吏傳說自是列星李將軍生不封侯其必在爵秩同升之列張睢陽死願殺賊將亦發英雄未了之心雖道之體本出於自然而法之用寔存乎策役瓊臺拔地玉瑩瞻天金簡合符寶書啓鑰予以廟靈風而昭慧日

予以引歸路而濟迷津九幽之黑處皆明一寸之丹心默契惟道貴度非神不行作善降祥馴致仙家之喜慶論功行賞超遷天上之班資

節次榜

齋以事帝固宜由本以及文道不遠人其可有綱而無目春我黃壇列職無非紫府朝班秩秩有儀諄諄以告言而為法動而為則當如君父之在前舉之於尺筆之於書須信神仙之可學必也周行中規折行中矩勿謂視於無形聽於無聲謫果何尤黃庭之誤者一字過無可奏庚申何畏乎三尸相與盟天有如皎日

茶榜

問海上靈樞光彩已騰於星漢嶺山中瑞草

芳香又接於薜薇策上品之奇勳吸群英之佳氣共惟天師宵承漢葉器備仙根道味精微灼見中灑之水善芽茂密未論家頂之苞紫蘭香桂之所依朱草嘉禾之近侍輕雷破

英甍醒群昏明月為團晶輝獨露一飲者已量俱足共談而舌本潛通曳翠旗接蓬萊清風兩腋執蒼壁朝闈喜徹九重遲遲三丈之日高款款五千之文進佳句自聯於石鼎貴名又起於金甌白雪滿椀花徘徊小引鼻端之韻仁風暗結珠蓓蕾早回掌上之春點首而前淪心以進

酒榜

黃壇設醴洪鈞轉而一陽生玄館飛觴大禮成而諸福備竹松如醉猿鶴歡迎共惟天師雲蒸尊壘道山鐘鼎聖明時和熏甘露神仙府瑞霧香風舉獻酌天漿神情邁俗停杯問明月逸興無塵混融乎青州鬲上之分淡洽乎玉瓊黃中之妙沉酣道味醞藉仙風有益然深念之良心便釀就滿腔之喜悉與人傳頌何須論千日奇芳天子呼來又欲醉九重春

色想寔罷鳳邊丹詔賜來馬上黃封駁玉
壺水想道臣心之如水指金莖露笑着仙掌
之凝珠鬱也味濃蘄薇香近

水燈榜

水燈映水開成仰覆之蓮花天影粘天照見
虛無之蓮島九淵不夜千炬海春鳥免讓揮到
海坐通於銀漢魚龍吹浪走藍疑是於明珠
然此一點金色光盡在諸公筆頭上懷沙包
泰何勞招屈子之魂逐浪生花又可誦坡仙
之句餘明所及幽壤咸歸

普度告盟榜

寶月重圓始停玉斧春風九夜爰啓金科肅
肅千塵馬不飛飄飄然仙車無跡五難緣理
去三炁收分十方淨空來一珠俱攝中有自
然造化於焉溥度幽室鶴信曉通龍文雲起
慎終追遠具陳潔已之誠心脫苦登眞仰止
度人之妙道時其可矣天寶臨之

萃善錄卷上

萃善錄卷下

澄六

李氏崇建九幽昇度大齋薦拔亡夫
及子孫孤魂正醮詞

札獲天昏死生大矣齋戒沐浴天地臨之已
蒙金簡之曲成庸闡瓊科而昭謝伏念臣妻
得天何淺患妾無終兩年而有七喪夫亡子
繼一身而哭三世女殞孫殞間逢疾狀之可
疑或謂患端之有在神靈震怒災禍頻仍身
不敢以逞安心實知其有罪亦嘗蒙已津六
道以消愆孰若投誠醮名山而請命皇穹在
上明水自陳伏願道有生神仁無棄物仙科
九鍊感歸解脫之門人道一新永塞伏連之
路蒙恩有日積善酬天

宿啓詞

上帝至仁常恐乖違於人道凡民有死猶傳
濟物之真科何垂老而兼失於所天彼長逝
者孰開其生地乃攬丹個祗肅瑤壇五嶽風
微幸綱維於玄範九關雲啓容朝夕於清光
早朝詞

好生德大感上聖之垂光追遠心長肅初朝

而請命且氣接天人之會陽明通造化之機
三極神交九原慶幸玉文布勅爰指路於仙
靈金簡流丹式合符於凡悃

午朝詞

事帝夙興致齋忱而未悉趨朝晝接懇家難
以申言此由外患之干而有中殤之哭省愆
終日悔禍惟天否塞潛通北斗弭伏連之路
離明洞照南宮升解脫之魂

晚朝詞

夕殿澄秋監人生之多難朝儀卜夜奏童瀆
之微言道開幽壤之光明德沛餘波之膏潤
先以既往兼惠其生天定而人景幸收於榆
晚日昌厥後春益茂於蘭芽

元君薦三十七代天師希微宿啓詞

嗟子行役竟客死而不歸惟天聰明念民情
之無告倚門望絕啓醮詞真伏念某人嗣教
三軍束裝萬里藉祖宗之福澤偶有遭逢嬰
疾病之淹留胡然天喪心拆外書之至神傷
旅櫬之來母子至情死生大事敬歸依於祖
教先汛掃於家庭伏願四炁朗清五文開廓

1989.2.1